



UKA/EM 2015/166

Justus Hansen

14. oktober 2015

Atlantikup avannaata Kalaallilu Nunaata silaannartaasa angallavigineqarnerisa allaffissornikkut aqunneqarnerata nunatsinnut nuunneqarnissaa pillugu naalagaaffeqatigiit Canadami Islandimilu oqartussanut isumaqatigiin-niuteqarnissaasa aallartinneqarnissaa siunertaralugu danskit naalakkersuisuinut saaffiginninnissamut Naalakkersuisut peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortat, Anders Olsen, Tillie Martinussen, Jens-Erik Kirkegaard, Kalistat Lund aamma Ane Hansen)
(Siullermeenera)

Kalaallit Nunaata silaannartaani eqqaanilu silaannakkut angallanneq naleqqussarneqarpoq aqputigalugu:

”Agreement on the Joint Financing of Certain Air Navigation Services in Greenland”
(taagorneqatoq Joint Financing Agreement).

Joint Financing Agreementimi aalajangersarneqarnikuuvoq aningaasartuutit tamarmik tamakkiisumik matussuserneqartassasut taamaakkaluartorli tamakkiisumik aningaasartuutit sipporlugit matussusiisoqartassanngitsoq. Tassa imaappoq, periarfissaqanngitsoq Kalaallit Nunaata silaannartaata angallavigineqarnera iluanaarniarfusinnaanngitsoq.

Paarlattuanilli Demokraatini isumaqatigaarput, Atlantikup avannaata Kalaallit Nunaatalu silaannartaasa angallavigineqarneranut oqartussaaneq tiguneqartuuppat suliffissat pilersinneqarsinnaagaluartut taamaasillunnilu inuiaqatigiit ataatsimut aningaasarsiornerat iluaquserneqarluni naak iluanaarutissaq mikigaluartoq.

Siunnersuut Sanaartornermut Ataatsimiititalimut innersuupparput aappassaaneerneqannginnerani.